



Cymorth i lenwi eich Ffurflen Dreth

Bydd y nodiadau hyn yn eich helpu i lenwi eich Ffurflen Dreth Fer ar bapur. Fel arall, pam na ewch ati i gyflwyno ar-lein? Drwy gyflwyno'ch Ffurflen Dreth ar-lein cewch y manteision canlynol:

- mae'n wasanaeth cyfleus sydd ar gael 24 awr
- mae'n gyflym, yn hawdd ac yn ddiogel
- mae gennych 3 mis ychwanegol i'w chyflwyno
- os dymunwch, gallwch gadw eich manylion a'i gorffen yn nes ymlaen
- caiff eich treth ei chyfrifo'n awtomatig ar eich rhan
- os oes ad-daliad yn ddyledus i chi, fe'i cewch yn gyflymach
- gallwch gael negeseuon drwy eich cyfrif ar-lein

i I gael rhagor o wybodaeth am Hunanasesiad Ar-lein ewch i www.gov.uk/ffurflenni-treth-hunanasesiad

Os nad ydych wedi llenwi Ffurflen Dreth ar-lein cyn hyn, ewch i www.gov.uk/cyflwyno-ch-ffurflen-dreth-hunanasesiad-ar-lein.

Dyddiadau cau'r Ffurflen Dreth a chosbau

Os ydych:

- am lenwi Ffurflen Dreth ar bapur, mae'n rhaid i ni ei chael erbyn 31 Hydref 2026
- yn penderfynu llenwi eich Ffurflen Dreth ar-lein, neu os ydych yn methu'r dyddiad cau ar gyfer y Ffurflen Dreth ar bapur, mae'n rhaid i chi ei chyflwyno ar-lein erbyn 31 Ionawr 2027. Fodd bynnag, os ydych am i ni gasglu'r dreth sydd arnoch drwy eich cyflog neu bensiwn, rhaid i chi gyflwyno ar-lein erbyn 30 Rhagfyr 2026

Y dyddiad cau ar gyfer talu'ch bil treth, neu unrhyw Yswiriant Gwladol Dosbarth 2, yw 31 Ionawr 2027.

Os nad yw'ch Ffurflen Dreth yn dod i law erbyn y dyddiadau cau, bydd yn rhaid i chi dalu cosb o £100 – hyd yn oed os nad oes arnoch unrhyw dreth.

I gael rhagor o wybodaeth am gosbau, ewch i www.gov.uk/ffurflenni-treth-hunanasesiad/cosbau

Gwirio a oes angen i chi lenwi Ffurflen Dreth

Os nad ydych yn credu bod angen i chi lenwi Ffurflen Dreth ar gyfer y flwyddyn hon, ewch i www.gov.uk/gwirio-angen-ffurflen-dreth

Mae'r lwfansau masnachu ac eiddo yn rhoi eithriad o dreth ar gyfer y ddau incwm a restrir isod (oni bai bod unrhyw ran o'r incwm yn deillio o barti cysylltiedig):

- derbyniadau o hunangyflogaeth (gan gynnwys enillion achlysurol a chomisiwn nid o gyflogaeth) o £1,000 neu lai
- incwm o eiddo o £1,000 neu lai

Mae'r incwm yn deillio o barti cysylltiedig os yw oddi wrth:

- eich cyflogwr (neu gyflogwr eich priod neu'ch partner sifil)
- partneriaeth pan ydych chi neu rywun sy'n gysylltiedig â chi'n bartner
- cwmni caeedig yr ydych yn berchen arno, neu y mae rhywun sy'n gysylltiedig â chi'n berchen arno, neu yr ydych yn berchen arno ar y cyd

i I gael rhagor o wybodaeth am y lwfans masnachu ac eiddo, ewch i www.gov.uk/guidance/tax-free-allowances-on-property-and-trading-income

Os yw'ch derbyniadau o hunangyflogaeth (gan gynnwys enillion achlysurol a chomisiwn nid o gyflogaeth) yn £1,000 neu lai, ac os yw'ch incwm o eiddo yn £1,000 neu lai, yna ni fydd angen rhoi gwybod am yr incwm hwn ar Ffurflen Dreth – darllenwch y nodiadau ar gyfer blwch box 3.6 os yw'r incwm yn deillio o hunangyflogaeth. Mae'n rhaid i chi barhau i lenwi'r adran 'hunangyflogaeth' neu'r adran 'incwm o eiddo' os yw unrhyw un o'ch derbyniadau o hunangyflogaeth neu incwm o eiddo yn deillio o barti cysylltiedig, gan na allwch ddefnyddio'r lwfans yn erbyn y math hwn o incwm.

Mae'n bosibl y bydd dal angen i chi lenwi Ffurflen Dreth ar gyfer mathau eraill o incwm. Os felly, llenwch y Ffurflen Dreth hon gan adael yr adran incwm o hunangyflogaeth yn wag a/neu adael blychau 7.1 yn wag a/neu adael yr adran eiddo yn y DU yn wag (mae yna rai eithriadau - darllenwch y nodiadau ar gyfer blychau 3.6 a 7.1 a blwch 6.1).

I wirio a oes angen i chi lenwi Ffurflen Dreth, ewch i www.gov.uk/gwirio-angen-ffurflen-dreth

Os nad oes angen i chi lenwi Ffurflen Dreth, mae'n rhaid i chi gysylltu â ni erbyn 31 Ionawr 2027 er mwyn osgoi cosbau.

Cyn i chi ddechrau


Efallai y bydd angen y dogfennau canlynol arnoch i'ch helpu i lenwi'r Ffurflen Dreth:

- eich ffurflenni P60, 'Tystysgrif Diwedd Blwyddyn', P11D, 'Treuliau neu fuddiannau' neu P45, 'Manylion cyflogai'n gadael gwaith', slipiau cyflog a'ch P2, 'Hysbysiad Cod TWE'
- os ydych yn gweithio i chi eich hun, eich cyfrif elw a cholled neu eich cofnodion busnes
- eich cyfriflenni banc, llyfrau cyfrif cymdeithas adeiladu, bonion difidend neu atodlenni buddsoddiadau drwy frocer
- tystysgrifau cyfraniadau pensiwn personol

Peidiwch ag anfon derbynebau, cyfrifon nac unrhyw waith papur arall gyda'ch Ffurflen Dreth oni bai ein bod yn gofyn amdanynt. Os gwnewch hynny, bydd yn cymryd yn hirach i ddelio â'ch Ffurflen Dreth a bydd oedi wrth brosesu unrhyw ad-daliad a allai fod yn ddyledus i chi.

Gall yr wybodaeth a roddwch ar eich Ffurflen Dreth effeithio ar eich cod treth TWE os ydym yn ei chael cyn 1 Ionawr 2027.

Os ydych yn disgwyl i'r symiau neu'r hawliadau ym mlychau 2.5, 8.1 (llai blwch 8.2), 9.2, 10.1 ac 11.1 newid yn ystod blwyddyn dreth 2025 i 2026, mae'n rhaid i chi roi gwybod i Gyllid a Thollau EF (CThEF) er mwyn sicrhau ein bod yn diweddarau eich cod treth TWE presennol.

 I gael rhagor o wybodaeth, ewch i www.gov.uk/codau-treth

Gwiriwch mai hon yw'r Ffurflen Dreth iawn ar eich cyfer

Cyn i chi lenwi'r Ffurflen Dreth hon, gwnewch yn siŵr mai dyma'r un iawn i chi. Os bu newid yn eich amgylchiadau yn ystod blwyddyn dreth 6 Ebrill 2025 i 5 Ebrill 2026, efallai y bydd yn rhaid i chi lenwi Ffurflen Dreth lawn.

Gallwch ddefnyddio'r Ffurflen Dreth Fer os:

- oeddech yn gyflogai cyflogedig neu'n cael taliadau treuliau neu fuddiannau trethadwy
- oeddech yn hunangyflogedig gyda throsiant blynyddol o lai na £90,000 a does dim angen i chi addasu'ch elw
- oeddech yn ad-dalu eich Benthyciad Myfyriwr a'ch/neu'ch Benthyciad Ôl-raddedig
- cawsoch bensiwn y DU (y Wladwriaeth, galwedigaethol neu breifat) neu flwydd-dal ymddeol
- cawsoch incwm sy'n deillio o flwydd-dal bywyd a brynwyd
- cawsoch fudd-daliadau'r Wladwriaeth trethadwy – er enghraifft, Lwfans Ceisio Gwaith
- cawsoch lai na £90,000 o incwm o renti neu osod ystafell yn eich cartref eich hun
- cawsoch incwm o gynilion yn y DU fel llog gan fanc neu gymdeithas adeiladau
- cawsoch ddifidendau cwmni (gan gynnwys difidendau tramor o hyd at £500)
- ydych am hawlio rhyddhad ar gyfer taliadau Rhodd Cymorth

Pryd i lenwi Ffurflen Dreth lawn

Bydd angen i chi lenwi Ffurflen Dreth lawn os:

- oeddech yn gyfarwyddwr cwmni cyflogedig neu mewn partneriaeth
- cawsoch incwm o gyflogaeth yn dod o tu fewn i drefniadau gweithio oddi ar y gyflogres
- oeddech yn gyflogai ac am hawlio lwfansau cyfalaf
- cawsoch gyfandaliad gan eich cyflogwr (neu gyn gyflogwr) oni bai ei fod yn dâl diswyddo a oedd o dan yr eithriad o £30,000
- cawsoch gyfandaliad Pensiwn y Wladwriaeth
- oes gennych gynilion pensiwn a bod yn rhaid i chi dalu treth ar unrhyw daliadau anawdurdodedig, neu oherwydd eich bod wedi mynd dros eich Lwfans Blynyddol
- gwnaethoch drosglwyddo eich cynilion pensiwn i gynllun pensiwn tramor cydnabyddedig cymwys (CPTCC) ac roedd y trosglwyddiad yn agored i dâl trosglwyddo dramor
- ydych am drosglwyddo rhan o'ch lwfans personol, sef y Lwfans Priodasol
- oes rhaid i chi dalu'r Tâl Budd-dal Plant Incwm Uchel
- oeddech yn hunangyflogedig ac
 - roedd gennych fwy nag un busnes
 - roedd eich trosiant blynyddol yn £90,000 neu'n fwy
 - mae angen i chi addasu'r elw neu golledion o'ch cyfnod cyfrifyddu oherwydd daeth y cyfnod hwnnw i ben cyn 31 Mawrth 2026, neu nad oedd yn gyfnod o 12 mis, neu ni ddaeth eich cyfnod cyfrifyddu i ben yn ystod y flwyddyn dreth
 - eich bod am wrthbwyso eich colledion busnes
 - mae angen i chi addasu unrhyw elw sy'n agored i gyfraniadau Yswiriant Gwladol (CYG) Dosbarth 4
 - fel gofalwr maeth neu ofalwr cysylltu bywydau rydych am fanteisio ar ryddhad gofal cymwys
 - mae incwm gennych sydd wedi'i drin fel elw gan yr incwm masnachu a roddir trwy reolau trydydd parti
 - rydych am hawlio'r Lwfans Strwythurau ac Adeiladau
 - rydych am hawlio y Lwfans Strwythurau ac Adeiladau Porthladdoedd Rhydd a Pharthau Buddsoddi
 - rydych am hawlio lwfans blwyddyn gyntaf o 100% ar gyfer pwyntiau gwefru
 - rydych am hawlio lwfans blwyddyn gyntaf o 100% ar gyfer ceir di-allyriadau neu sy'n drydanol
- cawsoch incwm o gyfranddaliadau neu warantau oddi wrth eich cyflogwr nad ydych wedi talu digon o dreth arno
- cawsoch incwm o eiddo yn y DU o £90,000 neu fwy, neu os ydych am hawlio lwfansau cyfalaf (gan gynnwys Lwfans Strwythurau ac Adeiladau Porthladdoedd Rhydd a Pharthau Buddsoddi, lwfans blwyddyn gyntaf o 100% ar gyfer pwyntiau gwefru neu lwfansau blwyddyn gyntaf o 100% ar gyfer ceir di-allyriadau, gan gynnwys ceir trydanol)

- cawsoch Ddosraniadau Incwm o Eiddo (PIDs) o Ymddiriedolaethau Buddsoddi mewn Eiddo Diriaethol yn y DU (UK REITs) neu Gronfeydd Buddsoddi mewn Eiddo Awdurdodedig (PAIFs), gan gynnwys PIDs a dalwyd drwy ddyroddi difidendau stoc
- cawsoch enillion digwyddiad trethadwy fel polisi yswiriant bywyd a gwnaethoch brynu blwydd-daliadau
- cawsoch incwm o dramor (oni bai ei fod yn llai na £500 o ddiffidendau tramor)
- cawsoch incwm o ystâd person ymadawedig neu cawsoch incwm, buddiannau neu enillion o ymddiriedolaeth neu setliad
- cawsoch fudd o ddefnyddio eiddo roeddech gynt yn berchennog arno ('asedion roeddech yn berchen arnynt yn flaenorol')
- nad oeddech yn preswyllo yn y DU
- ydych am hawlio rhyddhad o dan y gyfundrefn incwm ac enillion tramor (FIG)
- oeddech yn rhan o'r rhaglen ar gyfer Rheoli Diffygdalwyr Difrifol yn ystod unrhyw ran o'r flwyddyn

I gael ffurflenni Hunanasesiad a thafleuni cymorth, ewch i www.gov.uk/ffurflenni-a-thafleuni-hunanasesiad

i I gael rhagor o wybodaeth am Fudd-dal Plant ewch i www.gov.uk/tal-treth-budd-dal-plant

I gael help gyda rhyddhad gofal cymwys, ewch i www.gov.uk a chwilio am HS236

Eich manylion personol

1.1 Eich dyddiad geni

Os na fyddwch yn cynnwys eich dyddiad geni, efallai na chewch yr holl lwfansau y mae gennych hawl iddynt.

1.2 Eich enw a'ch chyfeiriad

Os yw'r manylion yn wahanol i'r hyn sydd wedi'i argraffu ar frig eich Ffurflen Dreth, ysgrifennwch y manylion cywir o dan y rhai anghywir, a rhowch y dyddiad y gwnaethoch newid cyfeiriad ym mlwch 1.2

Mae'n eich bod yn rhoi'ch cyfeiriad diweddaraf i CTheF, er mwyn gwneud yn siŵr eich bod yn talu'r swm cywir o Dreth Incwm. Byddwch yn talu'r gyfradd briodol o Dreth Incwm ar gyfer y flwyddyn yn dibynnu ar p'un a oeddech yn byw yng Nghymru, yr Alban neu weddill y DU am fwyafrif y flwyddyn dreth.

i I gael gwybodaeth am gyfraddau Treth Incwm yn yr Alban a gweddill y DU, ewch i www.gov.uk/cyfraddau-treth-incwm

I gael gwybodaeth am gyfraddau Treth Incwm yng Nghymru, ewch i www.gov.uk/treth-incwm-cymru

1.4 Eich rhif Yswiriant Gwladol

Mae eich rhif Yswiriant Gwladol yn cynnwys llythrennau a rhifau. Os nad yw ar frig eich Ffurflen Dreth bydd ar gael ar:

- slip cyflog, P45 neu eich P60 am y flwyddyn
- P2, 'Hysbysiad Cod TWE'
- unrhyw lythyr oddi wrthym ni neu'r Adran Gwaith a Phensiynau

Ad-daliadau Benthyciadau Myfyriwr a Benthyciadau Ôl-raddedig

Unwaith y bydd y Cwmni Benthyciadau Myfyriwr (SLC) yn ysgrifennu i roi gwybod i chi y dylech ddechrau ad-dalu eich Benthyciad ar sail Incwm, yna mae'n rhaid i chi lenwi'r blychau Benthyciad Myfyriwr a/neu flychau Benthyciadau Ôl-raddedig.

Defnyddiwn y math o fenthyciad a/neu'r math o gynllun sydd gan yr SLC er mwyn cyfrifo unrhyw ad-daliad Benthyciad Myfyriwr a/neu Fenthyciad Ôl-raddedig.

1.5 Os cawsoch wybod gan y Cwmni Benthyciadau Myfyriwr bod eich ad-daliad o fenthyciad yn ddyledus cyn 6 Ebrill 2026

Rhowch 'X' ym mlwch 1.5 os yw'r canlynol yn berthnasol:

- rydych wedi cael Benthyciad Myfyriwr a/neu Fenthyciad Ôl-raddedig am gwrs a adawsoch cyn mis Ebrill 2025
- rhoddodd y Cwmni Benthyciadau Myfyriwr wybod i chi eich bod i ddechrau ad-dalu Benthyciad Myfyriwr a/neu Fenthyciad Ôl-raddedig ar gyfer 2025 i 2026

1.6 Os yw eich cyflogwr wedi didynnu ad-daliadau Benthyciadau Myfyriwr

Rhowch gyfanswm yr holl ddiidyniadau Benthyciad Myfyriwr a gymerwyd o bob cyflogaeth TWE ar gyfer 2025 i 2026. Bydd yr wybodaeth hon i'w gweld ar eich P60 a'ch slipiau cyflog.

1.7 Os yw eich cyflogwr wedi didynnu ad-daliadau Benthyciad Ôl-raddedig

Rhowch gyfanswm yr holl ddiidyniadau Benthyciad Ôl-raddedig a gymerwyd o bob cyflogaeth TWE ar gyfer 2025 i 2026. Bydd yr wybodaeth hon i'w gweld ar eich P60 a'ch slipiau cyflog.

i I gael rhagor o wybodaeth am ad-dalu'ch Benthyciad Myfyriwr, ewch i www.gov.uk/guidance/tell-hmrc-about-a-student-loan-in-your-tax-return cy ac www.gov.uk/ad-dalu-eich-benthyciad-myfyriwr

Incwm o gyflogaeth

Dyma'r incwm o'ch holl swyddi TWE. Peidiwch â llenwi'r adran hon os na wnaethoch weithio i gyflogwr sy'n didynnu treth trwy TWE.

2.4 Buddiannau a threuliau trethadwy a gafwyd

Os yw eich cyflogwr wedi talu'ch buddiannau a threuliau 'drwy'r gyflogres' (golyga hyn bod treth wedi'i didynnu o'ch cyflog a'i chynnwys yn eich P60) peidiwch â'u cynnwys ym mlwch 2.4.

Fel arall, bydd eich cyflogwr yn rhoi manylion eich buddiannau a threuliau i chi ar ffurflen P11D.

Gall buddiannau gynnwys y canlynol:

- ceir cwmni a thanwydd
- benthyciadau di-log a llog isel
- yswiriant meddygol a deintyddol preifat

Os na fyddwch yn cael copi o'ch P11D erbyn 6 Gorffennaf 2026, cysylltwch â'ch cyflogwr.

Os ydych yn defnyddio eich car neu'ch fan eich hun ar gyfer gwaith (heb gynnwys y daith i'r gwaith ac oddi yno), peidiwch â chynnwys y ffigurau yma. Rhowch y symiau ym mlwch 2.5.

Defnyddiwch eich P11D i ddod o hyd i'r wybodaeth sydd ei hangen arnoch ar gyfer blwch 2.4 am:

- ceir a faniau'r cwmni a thanwydd – yn adrannau F a G
- yswiriant meddygol a deintyddol preifat – yn adran I
- talebau, cardiau credyd a lwfans milltiroedd gormodol – yn adrannau C ac E
- llety a ddarperir gan eich cyflogwr – yn adran D
- taliadau treulïau trethadwy a gafwyd, a thaliadau mantoli – yn adran N
- buddiannau eraill (gan gynnwys benthyciadau di-log a llog isel) – ym mlwch 15

2.5 Treulïau caniataol

Gallwch hawlio dim ond am y costau nas ad-dalwyd y bu'n rhaid i chi eu talu er mwyn gwneud eich swydd, er enghraifft:

- costau teithio, gan gynnwys prydau bwyd a llety mewn perthynas â'r daith – peidiwch â chynnwys eich costau arferol o deithio i'ch gweithle arferol
- costau defnyddio eich car, beic modur neu feic eich hunan
- treulïau busnes, megis galwadau ffôn y busnes

i I gael rhagor o wybodaeth am dreulïau, ewch i www.gov.uk/rhyddhad-treth-ar-gyfer-cyflogeion

2.6 Cyfeirnod treth TWE eich prif gyflogwr neu eich cyflogwr diwethaf

Bydd hyn ar eich P2, 'Hysbysiad Cod TWE', P45 neu eich P60 am y flwyddyn.

Incwm o hunangyflogaeth

Nid oes yn rhaid i chi roi gwybod am yr incwm hwn os oeddech yn gweithio i chi'ch hun, neu os oeddech yn isgcontractwr yn gweithio yn y diwydiant adeiladu, ac mae'ch trosiant (gan gynnwys enillion achlysurol a chomisiwn nid o gyflogaeth) yn £1,000 neu lai. Darllenwch y nodiadau ar dudalen 1 'Gwirio a oes angen i chi lenwi Ffurflen Dreth'.

3.2Q A wnaeth y busnes ddechrau ar ôl 5 Ebrill 2025

Os gwnaeth y busnes ddechrau ar ôl 5 Ebrill 2025, rhowch 'X' yn y blwch 'Iawn'.

3.2 Os gwnaethoch ddechrau gweithio i chi'ch hun

Os gwnaethoch ateb 'Iawn' ym mlwch 3.2Q, rhowch y dyddiad y gwnaethoch ddechrau masnachu ym mlwch 3.2. Dewiswch pa ddyddiad i gau eich llyfrau. P'un bynnag dyddiad a ddewiswch, byddwch yn talu treth ar unrhyw elw hyd at 5 Ebrill 2026 (neu'r dyddiad a ddewiswch os yw ar neu rhwng

31 Mawrth a 4 Ebrill 2026). Dylech dim ond defnyddio'r ffurflen hon os ydych yn dewis dyddiad sydd ar neu rhwng 31 Mawrth a 5 Ebrill 2026.

Dylech gau eich llyfrau ar yr un dyddiad pob blwyddyn hyd nes eich bod yn rhoi'r gorau i fasnachu.

3.3Q A wnaeth y busnes ddod i ben ar ôl 5 Ebrill 2025, ond cyn 6 Ebrill 2026

Os gwnaeth y busnes ddod i ben ar ôl 5 Ebrill 2025, ond cyn 6 Ebrill 2026, rhowch 'X' yn y blwch 'Iawn'.

3.3 Os gwnaethoch roi'r gorau i weithio i chi'ch hun

Os gwnaethoch ateb 'Iawn' ym mlwch 3.3Q, rhowch y dyddiad y gwnaeth y masnachu ddod i ben ym mlwch 3.3.

Gallwch ddefnyddio'r ffurflen hon ar yr amod eich bod wedi cau eich llyfrau ar ddyddiad sydd ar neu rhwng 31 Mawrth a 5 Ebrill 2025.

3.5 Y sail arian parod

Rhowch 'X' ym mlwch 3.5 os gwnaethoch ddefnyddio cyfrifyddu traddodiadol yn hytrach na'r sail arian parod.

Mae rhai busnesau yn defnyddio cyfrifyddu traddodiadol (sail cronïadau) os ydynt yn dymuno gwneud hynny, neu os na allant ddefnyddio'r sail arian parod.

i I gael rhagor o wybodaeth, ewch i www.gov.uk/simpler-income-tax-cash-basis

3.6 Trosiant

Gallwch ddefnyddio'r ffurflen hon dim ond os oedd eich trosiant blynyddol yn llai na £90,000 (neu y byddai wedi bod petaech chi wedi masnachu am flwyddyn gyfan). Os oedd eich trosiant blynyddol yn £90,000 neu fwy, mae'n rhaid i chi lenwi Ffurflen Dreth lawn.

Trosiant yw cyfanswm yr arian a gafwyd (neu, os defnyddiwyd cyfrifyddu traddodiadol yr arian a enillwyd) gan eich busnes neu eich gwaith hunangyflogedig, cyn didynnu unrhyw dreulïau.

Mae hyn yn cynnwys:

- pob taliad am wasanaeth neu waith a ddarparwyd gan eich busnes neu nwyddau a werthwyd – mewn arian, drwy gerdyn, siec neu unrhyw ddull arall (gan gynnwys arian o waith adeiladu – defnyddiwch y ffigur cyn didyniadau contractwr)
- cildyrnau, ffioedd a chomisiynau
- unrhyw daliadau 'mewn nwyddau' – hynny yw, nas talwyd â siec neu mewn arian – am waith a wnaethoch neu nwyddau a werthwyd
- os ydych yn defnyddio cyfrifyddu traddodiadol, yr arian sy'n ddyledus i chi am waith a wnaethoch eisoes

i I gael rhagor o wybodaeth, ewch i www.gov.uk a chwilio am 'HS222'

Os oedd eich trosiant yn £1,000 neu lai, darllenwch y nodiadau ar dudalen 1 'Gwirio a oes angen i chi lenwi Ffurflen Dreth' cyn i chi lenwi'r blwch hwn, oni bai bod y canlynol yn berthnasol:

- mae gennyh dreuliau a ganiateir ar gyfer treth sy'n uwch na'ch trosiant ac rydych yn dymuno bod â'r gallu i hawlio rhyddhad am y golled yn erbyn elw busnes yn y dyfodol. Os felly, rhwch y trosiant ym mlwch 3.6, eich treuliau a ganiateir ar gyfer treth ym mlwch 3.7, eich lwfansau cyfalaf ym mlwch 3.8 a'r golled ym mlwch 3.10
- rydych yn disgwyl i'ch trosiant fod yn fwy na £1,000 yn y flwyddyn dreth nesaf. Os felly, gallwch lenwi blwch 3.1
- mae gennyh incwm arall o enillion achlysurol a chomisiwn (nid o gyflogaeth) i roi gwybod amdano ym mlwch 7.1, ac, wrth ei ychwanegu at eich trosiant, mae'r cyfanswm dros £1,000. Os felly, llenwch yr adran 'Incwm hunangyflogedig' a blwch 7.1 yn unol â'r nodiadau
- rydych am dalu cyfraniadau Yswiriant Gwladol Dosbarth 2 yn wirfoddol er mwyn cronni hawl i fudd-daliadau cyfraniadol megis Pensiwn y Wladwriaeth. Os felly, rhwch 'X' ym mlwch 3.12
- rydych am gadw'ch cofnod o hunangyflogaeth, er enghraifft er mwyn ategu cais am Lwfans Mamolaeth. Os felly, llenwch flwch 3.1
- hoffech hawlio Gofal Plant sy'n Rhydd o Dreth ar sail eich cofnod o incwm o hunangyflogaeth. Os felly, llenwch flwch 3.1, rhwch eich trosiant ym mlwch 3.6, rhwch yr un ffigur ym mlwch 3.6A a sero ym mlwch 3.9
- roeddech yn is-gontractwr, a didynnwyd treth o dan Gynllun y Diwydiant Adeiladu (CIS). Os felly, rhwch y dreth a didynnwyd ym mlwch 3.14

3.6A Lwfans incwm masnachu

Gallwch ddewis p'un a ddylid tynnu'r lwfans incwm masnachu ai peidio, ond efallai y dewiswch wneud hynny os yw'ch treuliau busnes caniatool a'ch lwfansau cyfalaf yn llai na £1,000. Ni allwch wneud hyn os yw'ch derbyniadau'n deillio o barti cysylltiedig (gweler tudalen 1 'Gwirio a oes angen i chi lenwi Ffurflen Dreth').

Gellir rhannu'r lwfans incwm masnachu rhwng eich incwm o hunangyflogaeth ac incwm arall o enillion achlysurol a chomisiwn (nid o gyflogaeth) – darllenwch y nodiadau ar gyfer blwch 7.1.

Os ydych yn hawlio lwfans incwm masnachu, ni allwch ddidynnu unrhyw dreuliau neu lwfansau cyfalaf. Ewch yn syth i flwch 3.9, peidiwch â llenwi blychau 3.7 na 3.8.

Os ydych am gyfrifo'ch elw trethadwy trwy ddidynnu'r lwfans incwm masnachu o'ch trosiant yn hytrach na didynnu'ch treuliau busnes caniatool a'ch lwfansau cyfalaf, rhwch swm y lwfans incwm masnachu a ddefnyddir (hyd at £1,000) ym

mlwch 3.6A. Ni all swm y lwfans incwm masnachu a ddefnyddir fod yn fwy na'ch trosiant ym mlwch 3.6.

i I gael rhagor o wybodaeth am lwfans incwm masnachu, ewch i www.gov.uk/guidance/tax-free-allowances-on-property-and-trading-income

3.7 Treuliau caniatool at ddibenion treth

Mae treuliau'n amrywio o fusnes i fusnes. Mae treuliau caniatool yn cynnwys costau prynu stoc, cyflogau, rhent, treth gyngor, goleuo, gwresogi, costau postio, galwadau ffôn a chostau moduro, megis tanwydd ac yswiriant.

Nid ydynt yn cynnwys:

- eich cyflog eich hun
- costau gwesteia
- costau prynu cerbyd
- dibrisiant offer
- gwariant sydd wedi'i wrthod yn benodol

Os gwnaethoch ddefnyddio cyfrifyddu traddodiadol, nid yw'r canlynol yn dreuliau caniatool chwaith:

- gwariant cyfalaf
- costau prynu cerbyd
- costau prynu offer arall

Mae rhai treuliau dim ond yn rhannol ganiatool. Er enghraifft, gallwch hawlio dim ond y rhan fusnes o'r gost o ddefnyddio eich car eich hun neu ddefnyddio ystafell yn eich cartref fel eich swyddfa.

Treuliau symlach

Gallwch gyfrifo rhai treuliau busnes gan ddefnyddio cyfraddau unffurf yn hytrach na threuliau busnes gwirioneddol.

Gallwch ddefnyddio cyfraddau unffurf i gyfrifo:

- costau busnes ar gyfer cerbydau
- naill ai'r defnydd busnes o'ch cartref neu'r addasiad o ddefnydd preifat o'ch safle busnes fel cartref (ond nid y ddau)

Cyfrifwch y treuliau eraill i gyd yn y dull arferol.

i I gael rhagor o wybodaeth, ewch i www.gov.uk/treuliau-os-ydych-yn-hunangyflogedig

3.8 Lwfansau cyfalaf

Os ydych yn defnyddio'r sail arian parod, dim ond ar gyfer ceir y gallwch hawlio lwfansau cyfalaf. Os ydych wedi gwneud hawliad blaenorol am lwfansau cyfalaf ar gyfer car, gallwch gario ymlaen i hawlio'r lwfans ym mlwch 3.8. Rhwch unrhyw ran o gostau rhedeg y car sydd ar gyfer y busnes ym mlwch 3.7. Ni allwch ddefnyddio cyfraddau unffurf.

Os nad ydych erioed wedi hawlio lwfansau cyfalaf ar gyfer y car gallwch ddewis defnyddio naill ai'r gyfradd unffurf neu hawlio lwfansau cyfalaf.

Os ydych yn defnyddio cyfrifyddu traddodiadol, gallwch hawlio lwfansau cyfalaf ar gyfer costau prynu a gwella cyfarpar megis:

- faniau a cheir
- offer a chyfrifiaduron
- silffoedd, celfi a ffitiadau trydan

Mae'r math o lwfans cyfalaf a'r swm y gallwch ei hawlio yn dibynnu ar yr asedion sydd gennych ac amgylchiadau eraill, er enghraifft, mae rheolau arbennig ar gyfer ceir.

i I gael help wrth gyfrifo eich lwfansau cyfalaf, ewch i www.gov.uk/business-tax/capital-allowances

3.9 Elw

Os yw cyfanswm yr incwm a gawsoch o'ch busnes yn fwy na'ch treuliau a lwfansau cyfalaf, rydych wedi gwneud elw. Os nad oedd gennych unrhyw dreuliau caniatol neu lwfansau cyfalaf, rhowch yr un ffigur ym mlwch 3.9 ag a nodwyd gennych ym mlwch 3.6.

Os ydych wedi hawlio'r lwfans incwm masnachu, eich elw yw blwch 3.6 llai'r swm a hawliwyd ym mlwch 3.6A.

3.10 Colled

Os yw eich treuliau a lwfansau cyfalaf yn fwy na'r incwm busnes, rydych wedi gwneud colled. Dylech gynnwys colled ar gyfer y flwyddyn dreth hon yn unig. Rhowch unrhyw golled o flwyddyn flaenorol ym mlwch 3.11.

Ni allwch wneud colled os ydych wedi hawlio'r lwfans incwm masnachu ym mlwch 3.6A.

3.12 Rhowch 'X' yn y blwch os yw cyfanswm eich elw ar gyfer 2025 i 2026 yn llai na £6,845 ac rydych yn dewis talu cyfraniadau Yswiriant Gwladol (CYG) Dosbarth 2 yn wirfoddol

Os yw'ch elw trethadwy yn llai na £6,845, neu eich bod wedi gwneud colled, gallwch ddewis talu CYG Dosbarth 2 yn wirfoddol er mwyn gwarchod eich hawl i Bensiwn y Wladwriaeth a budd-daliadau penodol.

Os yw'ch elw trethadwy yn £6,845 neu fwy ni fydd angen i chi dalu CYG Dosbarth 2. Caiff eich cyfraniadau eu trin fel pe baent wedi'u talu er mwyn gwarchod eich hawl i Bensiwn y Wladwriaeth a budd-daliadau penodol.

Rhowch 'X' ym mlwch 3.12 os ydych am dalu'n wirfoddol. I gael rhagor o wybodaeth, ewch i www.gov.uk/cyfraniadau-yswiriant-gwladol-gwirfoddol

Mae'n rhaid i chi fod wedi eich cofrestru'n hunangyflogedig er mwyn talu CYG Dosbarth 2 neu i dalu'n wirfoddol. Os ydych wedi eich cofrestru ar gyfer Hunanasesiad ond heb gofrestru'n hunangyflogedig, ewch i www.gov.uk/cofrestru-ar-gyfer-a-chyflwynoch-ffurflen-dreth-hunanasesiad/hunangyflogedig

3.13 Cyfraniadau Yswiriant Gwladol (CYG) Dosbarth 4

Nid oes rhaid i chi dalu CYG Dosbarth 4 os yw'r canlynol yn berthnasol:

- roeddech wedi cyrraedd, neu dros, oedran Pensiwn y Wladwriaeth ar 6 Ebrill 2025
- roeddech o dan 16 oed ar 6 Ebrill 2025
- nid oeddech yn preswyllo yn y DU at ddibenion treth yn ystod 2025 i 2026

Rhowch 'X' ym mlwch 3.13, os ydych wedi'ch esemptio.

3.14 Didyniadau ar ddatganiadau tâl a didyniad a gawsoch gan contractwyr

Os ydych yn gweithio yn y diwydiant adeiladu, a didynnodd eich contractwr ddidyniadau o'r arian a dalwyd i chi, adiwch at ei gilydd yr holl ddidyniadau am y flwyddyn hyd at 5 Ebrill 2026 a nodwch y cyfanswm ym mlwch 3.14. Gwiriwch eich bod wedi rhoi'r swm gros ar gyfer y cyfnod cyfrifyddu cyn didyniadau'r contractwr ym mlwch 3.6.

Pensiynau'r DU a budd-daliadau'r Wladwriaeth a gafwyd

4.1 Pensiwn y Wladwriaeth

Defnyddiwch y llythyr ynghylch y cynnydd cyffredinol mewn budd-daliadau a anfonwyd atoch gan y Gwasanaeth Pensiwn i ddod o hyd i'ch swm wythnosol o Bensiwn y Wladwriaeth.

Cyfrifwch y swm yr oedd gennych yr hawl i'w gael o 6 Ebrill 2025 i 5 Ebrill 2026 a nodwch y cyfanswm ym mlwch 4.1. Peidiwch â chynnwys unrhyw swm a gawsoch ar gyfer Lwfans Gweini.

Os gwnaeth eich Pensiwn y Wladwriaeth newid yn ystod y flwyddyn, neu os gwnaethoch ond ei gael am ran o'r flwyddyn, lluoswch bob swm â nifer yr wythnosau yr oedd gennych yr hawl i'w cael. Adiwch y symiau at ei gilydd yn ofalus.

Os nad oes gennych lythyr gan y Gwasanaeth Pensiwn, ffoniwch nhw ar 0800 731 0453.

4.2 Cyfanswm pensiynau eraill ac ati

Dylech gynnwys pensiynau trethadwy eraill, megis pensiynau galwedigaethol a blwydd-daliadau ymdeol, ynghyd â'r canlynol:

- rhan drethadwy unrhyw 'arian heb ei grisialu ar ffurf cyfandaliad pensiwn' a ddidynnwyd gennych o dan hyblygrwydd pensiwn
- cyfandaliadau trethadwy a chyfandaliadau buddiant marwolaeth trethadwy sy'n cael eu trin fel incwm pensiwn

Peidiwch â chynnwys:

- blwydd-daliadau a brynwyd (defnyddiwch flwch 5.1 neu 5.2)
- buddiannau marwolaeth, sy'n deillio o bensiwn, nad ydynt yn drethadwy, y mae gennych hawl iddynt am y tro cyntaf o 6 Ebrill 2015 ymlaen

i I gael rhagor o wybodaeth am dreth ar bensiynau neu fuddiant marwolaeth pensiwn, ewch i www.gov.uk/tax-on-pension a www.gov.uk/tax-on-pension-death-benefits

4.3 Budd-dal Analluogrwydd Trethadwy a Lwfans Cyflogaeth a Chymorth ar sail cyfraniadau/Taliad Atodol i Lwfans Cyflogaeth a Chymorth sydd wedi'i Gyfyngu o ran Amser (a delir yng Ngogledd Iwerddon yn unig)

Bydd cyfanswm eich budd-dal neu lwfans trethadwy ar eich P60 neu eich P45 a gawsoch gan yr Adran Gwaith a Phensiynau.

Peidiwch â chynnwys:

- Budd-dal Analluogrwydd os ydych wedi ei gael am yr un salwch ers Ebrill 1995
- Lwfans Cyflogaeth a Chymorth ar sail Incwm

4.6 Cyfanswm budd-daliadau trethadwy eraill y Wladwriaeth

Os cawsoch unrhyw un o'r canlynol, adiwrch nhw at ei gilydd a rhowch y cyfanswm ym mlwch 4.6:

- Lwfans Profedigaeth neu Bensiwn Gwraig Weddw
- Lwfans Rhiant Gweddwr neu Lwfans Mam Weddw
- Buddiant Marwolaeth Ddiwydiannol
- Lwfans Gofalwr/Taliad Cymorth Gofalwr/Taliad Atodol i Lwfans Gofalwr (pan fyddwch yn ei gael yn lle Lwfans Gofalwr – telir yng Ngogledd Iwerddon yn unig)
- Taliad Atodol i Lwfans Gofalwr (pan fyddwch yn ei gael fel taliad ychwanegol ar gyfer pobl yn yr Alban sy'n cael Lwfans Gofalwr)
- Tâl Salwch Statudol neu Dâl Mamolaeth, Tadolaeth neu Fabwysiadu Statudol a Thâl Ar y Cyd i Rien i a dalwyd gan CThEF (nid eich cyflogwr)

Peidiwch â chynnwys Bonws y Nadolig a Thaliad Tanwydd Gaeaf, neu unrhyw Daliadau Tywydd Oer.

i I gael rhagor o wybodaeth am fuddiannau trethadwy a buddiannau di-dreth y Wladwriaeth, ewch i www.gov.uk/treth-incwm

Llog, difidendau ac incwm arall o fuddsoddiadau yn y DU

Mae hyn yn cynnwys:

- llog ar gynilion banc a chymdeithas adeiladu (nid ISAs)
- llog trethadwy a gafwyd ar daliadau iawndal, er enghraifft, yswiriant diogelu taliadau (PPI)
- llog ar gyfrifon Cynilion a Buddsoddiadau Cenedlaethol (NS&I) a bondiau cynilo
- llog a dosbarthiadau difidend o ymddiriedolaethau unedol awdurdodedig, cwmnïau buddsoddi penagored ac ymddiriedolaethau buddsoddi yn y DU
- incwm o flwydd-daliadau bywyd a brynwyd

Parau priod a phartneriaid sifil

Fel arfer, rydym yn trin incwm o fuddsoddiadau a ddelir ar y cyd fel rhai sy'n eiddo i'r ddau ohonoch ar sail gyfartal. Fodd bynnag, os ydych yn dal swm anghyfartal o gyfranddaliadau, gallwch ddewis cael yr incwm a thalu treth ar y cyfrannau hynny. Os hoffech wneud y dewis hwnnw, cysylltwch â ni.

Dylech nodi eich cyfran chi yn unig o unrhyw incwm ar y cyd ar y Ffurflen Dreth.

5.1 Llog y DU a drethwyd

Defnyddiwch fanylion y llog net o'ch cyfriflenni banc neu'ch talebau. Os oes gennych fwy nag un cyfrif, adiwrch at ei gilydd eich holl log net a nodwch y cyfanswm ym mlwch 5.1.

5.2 Llog y DU nas trethwyd

Os oes gennych gyfrif sy'n talu llog gros i chi (er enghraifft, cyfrif banc neu gymdeithas adeiladu) neu fondiau cynilo NS&I a delir fel swm gros, rhowch y swm gros ym mlwch 5.2.

5.3 Difidendau cwmnïau

Mae hyn yn cynnwys difidendau o ymddiriedolaethau unedol awdurdodedig, cwmnïau buddsoddi penagored ac ymddiriedolaeth buddsoddi. Rhowch swm eich taleb difidend ym mlwch 5.3. Os cawsoch ddifidendau tramor o hyd at £500, rhowch y swm net (hynny yw, ar ôl treth) mewn punnoedd y DU. Os cawsoch ddifidendau tramor dros £500, rhaid i chi lenwi Ffurflen Dreth lawn.

Eiddo yn y DU

I gael help gydag incwm o renti, ewch i PIM1051 yn y 'Property Income Manual' yn www.gov.uk/government/collections/hmrc-manuals

Os yw'ch incwm am y flwyddyn gyfan o eiddo yn y DU yn £90,000 neu fwy, rhaid i chi lenwi Ffurflen Dreth lawn.

Nid oes rhaid i chi roi gwybod am incwm o eiddo yn y DU os yw'n £1,000 neu lai. Darllenwch y nodiadau ar dudalen 1 'Gwirio a oes angen i chi lenwi Ffurflen Dreth'.

Os ydych am hawlio lwfansau cyfalaf, ni allwch ddefnyddio'r ffurflen hon a bydd angen i chi lenwi Ffurflen Dreth lawn.

6.0 Cyfrifyddu traddodiadol neu'r sail arian parod

Rhowch 'X' ym mlwch 6.0 os gwnaethoch ddefnyddio cyfrifyddu traddodiadol ac nid y sail arian parod.

Sail arian parod

Mae'r sail arian parod yn ffordd symlach o gyfrifo elw neu golledion eich eiddo. Adiwrch eich holl incwm o eiddo at ei gilydd a tynnwch unrhyw dreuliau caniaatol a dalwyd yn ystod y flwyddyn. Peidiwch â chynnwys arian sydd arnoch neu arian sy'n ddyledus i chi ar ddiwedd y flwyddyn.

i I gael rhagor o wybodaeth am y sail arian parod, ewch i www.gov.uk/guidance/income-tax-when-you-rent-out-a-property-working-out-your-rental-income

Gallwch benderfynu bob blwyddyn p'un ai'r sail arian parod yw'r opsiwn gorau i chi, a rhaid i chi roi gwybod i ni bob blwyddyn os ydych am ddefnyddio cyfrifyddu traddodiadol yn hytrach na'r sail arian parod.

Addasiadau trosiannol

Os ydych yn newid eich dull cyfrifyddu, efallai y bydd angen i chi wneud addasiad trosiannol. I gael arweiniad ar yr addasiadau sydd angen i chi eu gwneud, ewch i www.gov.uk/guidance/income-tax-when-you-rent-out-a-property-working-out-your-rental-income

Rhaid cynnwys pob derbyniad trosiannol ym mlwch 6.1 a'r holl dreuliau trosiannol ym mlwch 6.2.

6.1 Incwm

Mae hwn yn incwm o dir rydych yn ei berchen neu'n ei osod ar brydles, neu eiddo ar osod gennych.

Os ydych yn gosod ystafell yn eich cartref ac rydych am hawlio rhyddhad Rhentu Ystafell, rhowch eich incwm ar ôl didynnu'r rhyddhad (£7,500 neu £3,750 os ydych yn rhoi'r ystafell ar osod ar y cyd) ym mlychau 6.1 a 6.3. Peidiwch â hawlio treuliau ym mlwch 6.2.

i I gael rhagor o wybodaeth am y Cynllun Rhentu Ystafell, ewch i www.gov.uk a chwilio am HS223

Os yw'ch incwm o eiddo yn y DU yn £1,000 neu lai, darllenwch y nodiadau ar dudalen 1 'Gwirio a oes angen i chi lenwi Ffurflen Dreth' cyn i chi lenwi'r blwch hwn, oni bai bod gennych dreuliau caniaatol sy'n uwch na'ch incwm, a'ch bod yn dymuno bod â'r gallu i hawlio rhyddhad am y golled yn erbyn incwm o eiddo yn y dyfodol - yna rhowch yr incwm ym mlwch 6.1, eich treuliau caniaatol ym mlwch 6.2 a'r golled ym mlwch 6.4.

i I gael rhagor o wybodaeth am y lwfans masnachu ac eiddo, ewch i www.gov.uk/guidance/tax-free-allowances-on-property-and-trading-income

Os ydych yn defnyddio'r sail arian parod, eich incwm yw cyfanswm y symiau a gawsoch yn ystod y flwyddyn.

Eiddo wedi'i osod ar y cyd

Os ydych yn berchen ar eiddo ar y cyd ac yn rhoi eiddo ar osod ar y cyd, dim ond eich cyfran chi o'r incwm a'r treuliau y dylech ei rhoi yn yr adran 'Eiddo yn y DU'. Mae'n rhaid i chi ddefnyddio'r un sail, naill ai'r sail arian parod neu gyfrifyddu traddodiadol, i gyfrifo'ch elw.

Rydym yn trethu'ch cyfranddaliadau'n gyfartal os ydych yn gosod eiddo ar y cyd â'ch priod a'ch bod yn byw gyda'ch gilydd.

Os oes gennych gyfran wahanol o incwm a threuliau ac rydych am iddynt gael eu dosrannu yn unol â'r gyfran honno, dylech lenwi ffurflen 17 'Datganiad o fuddiannau llesiannol mewn eiddo ac incwm ar y cyd' – ewch i www.gov.uk/government/publications/income-tax-declaration-of-beneficial-interests-in-joint-property-and-income-17.cy

6.1A Lwfans incwm o eiddo

Gallwch ddewis p'un a ydych am ddefnyddio'r lwfans incwm o eiddo ai peidio. Efallai y dewiswch wneud hynny os yw'ch treuliau caniaatol yn llai na £1,000. Ni allwch wneud hyn os yw'ch incwm o eiddo yn deillio o barti cysylltiedig (gweler tudalen 1 'Gwirio a oes angen i chi lenwi Ffurflen Dreth').

Os ydych yn hawlio lwfans incwm masnachu, ni allwch ddidynnu treuliau caniaatol. Peidiwch â llenwi blwch 6.2.

Os ydych am gyfrifo'ch elw tretheadwy trwy ddidynnu'r lwfans incwm o eiddo o'ch incwm o eiddo yn y DU yn hytrach na didynnu'ch treuliau caniaatol, rhowch swm y lwfans incwm o eiddo a ddefnyddir (hyd at £1,000) ym mlwch 6.1A. Ni all swm y lwfans incwm o eiddo a ddefnyddir bod yn fwy na'ch incwm ym mlwch 6.1.

i I gael rhagor o wybodaeth am lwfans incwm o eiddo, ewch i www.gov.uk/guidance/tax-free-allowances-on-property-and-trading-income

6.2 Treuliau caniaatol at ddibenion treth

Gallwch hawlio ar gyfer y costau sy'n gysylltiedig â rhedeg eich busnes eiddo yn y DU. Megis:

- rhent, ardrethi, yswiriant a rhent tir
- costau atgyweirio a chynnal a chadw'r eiddo
- hysbysebu, deunydd ysgrifennu a defnyddio'r ffôn
- teithiau busnes - i gael gwybodaeth am dreuliau cyfradd unffurff ar gyfer landlordiaid, ewch i www.gov.uk/hmrc-internal-manuals/property-income-manual/pim2220
- cyflogau
- unrhyw wasanaethau a ddarperir gennych, fel glanhau
- y gost o osod eitemau domestig newydd yn lle hen rai

- dyledion na ellir eu hadennill a ddilëwyd (dim ond os nad ydych yn defnyddio sail arian parod) – i gael rhagor o wybodaeth, ewch i www.gov.uk/hmrc-internal-manuals/property-income-manual/pim2072
- costau cael benthyciad neu gyllid, gan gynnwys y llog y mae'n rhaid i chi ei dalu – efallai na fyddwch yn gallu hawlio'r swm llawn a dalwyd gennych – darllenwch y nodiadau ar gyfer llog ar fenthyciadau a chostau ariannol eraill

i I gael rhagor o wybodaeth am gostau ariannol eiddo preswyl, ewch i www.gov.uk/guidance/changes-to-tax-relief-for-residential-landlords-how-its-worked-out-including-case-studies

Llog ar fenthyciadau a chostau ariannol eraill

Ar gyfer eiddo dibreswyl, gallwch ddidynnu'r costau o gael benthyciad neu drefniant ariannol amgen i brynu eiddo rydych yn ei osod, a swm llawn unrhyw log ar fenthyciad o'r fath neu daliadau ariannol eraill.

Ar gyfer eiddo preswyl ni allwch ddidynnu'r gost o gael benthyciad neu drefniant ariannol amgen i brynu eiddo rydych yn ei osod, nac unrhyw log ar fenthyciad o'r fath neu ar daliadau ariannol eraill. Defnyddir y costau i gyfrifo gostyngiad mewn Treth Incwm ym mlwch 6.6.

i I gael rhagor o wybodaeth am y cyfyngiad ar gostau ariannol eiddo preswyl, ewch i www.gov.uk/guidance/changes-to-tax-relief-for-residential-landlords-how-its-worked-out-including-case-studies

6.3 Elw

Os yw cyfanswm yr incwm o eiddo yn y DU yn fwy na'ch treuliau, rydych wedi gwneud elw. Os nad oedd gennych unrhyw dreuliau caniataol, rhowch yr un ffigur ym mlwch 6.3 ag a nodwyd gennych ym mlwch 6.1.

Os ydych wedi hawlio'r lwfans incwm o eiddo, eich elw yw blwch 6.1 llai'r swm a hawliwyd ym mlwch 6.1A.

6.4 Colled

Ni allwch wneud colled os ydych wedi hawlio'r lwfans incwm o eiddo ym mlwch 6.1A.

6.6 Costau ariannol eiddo preswyl

Defnyddir y swm hwn er mwyn cyfrifo gostyngiad yn eich Treth Incwm.

i I gael rhagor o wybodaeth am gostau ariannol eiddo preswyl, ewch i www.gov.uk/guidance/changes-to-tax-relief-for-residential-landlords-how-its-worked-out-including-case-studies

6.7 Costau ariannol eiddo preswyl nas defnyddiwyd a ddygwyd ymlaen

Rhowch unrhyw gostau ariannol preswyl nas defnyddiwyd o'r busnes eiddo hwn o flynyddoedd cynharach ym mlwch 6.7.

Gellir cario unrhyw falans o'r costau ariannol preswyl sydd dal heb ryddhad, ymlaen i flynyddoedd i ddod ar gyfer yr un busnes eiddo.

Incwm ac enillion cyfalaf eraill y DU

Incwm o gomisiynau, enillion achlysurol ac enillion cyfalaf yw hyn. Os cewch daliadau fel cyfarwyddwr cwmni, cyfandaliad gan eich cyflogwr neu incwm o ystâd person ymadawedig, rhaid i chi lenwi Ffurflen Dreth lawn. Peidiwch â chynnwys taliadau diswyddo sydd wedi'u cwmpasu gan yr eithriad o £30,000. Ni ddylech ddefnyddio'r adran hon ar gyfer unrhyw incwm a restrir ar dudalen 2.

Nid oes angen i chi roi gwybod am incwm o enillion achlysurol a/neu gomisiwn (nid o gyflogaeth) os oedd, pan y'i hychwanegwyd at incwm o hunangyflogaeth a/neu incwm o weithio fel is-gontractwr yn y diwydiant adeiladu, yn £1,000 neu lai. Darllenwch y nodiadau ar dudalen 1 'Gwirio a oes angen i chi lenwi Ffurflen Dreth'.

Mae enillion achlysurol eraill nad ydynt yn gymwys i gael y lwfans incwm masnachu, megis cildyrnau a thaliadau eraill o gyflogaeth sydd ddim wedi'u cynnwys ar eich P60, hefyd yn mynd i flwch 7.1.

7.1 Incwm arall

Os yw'ch enillion achlysurol a/neu gomisiwn (nid o gyflogaeth) yn £1,000 neu lai, darllenwch y nodiadau ar dudalen 1 'Gwirio a oes angen i chi lenwi Ffurflen Dreth' cyn i chi lenwi'r blwch hwn, oni bai bod gennych incwm o'ch hunangyflogaeth, a/neu o weithio fel isgontractwr yn y diwydiant adeiladu i roi gwybod amdano ym mlwch 3.6, sy'n fwy na £1,000 pan y'i hychwanegir at eich enillion achlysurol a/neu gomisiwn (nid o gyflogaeth).

i I gael rhagor o wybodaeth am y lwfans masnachu ac eiddo, ewch i www.gov.uk/guidance/tax-free-allowances-on-property-and-trading-income

Os ydych eisoes wedi defnyddio'ch lwfans masnachu o £1,000, neu ran ohonno, yn erbyn eich incwm o hunangyflogaeth, yna gallwch ddefnyddio'r swm o lwfans sy'n weddill. Rhowch unrhyw incwm sydd dros ben y swm hwnnw ym mlwch 7.1. Fel arall, nodwch swm yr incwm arall sy'n llai na'r lwfans masnachu o £1,000 ym mlwch 7.1.

Os oes gennych enillion achlysurol eraill nad ydynt yn gymwys i gael y lwfans incwm masnachu, megis cildyrnau a thaliadau eraill o gyflogaeth sydd ddim wedi'u cynnwys ar eich P60, adiwrch y rhain at ei gilydd ynghyd ag unrhyw symiau eraill a nodwch y cyfanswm ym mlwch 7.1.

Enghraifft

Mae gan Steffan incwm hunangyflogedig o £500, incwm o enillion achlysurol o £800 (gellir defnyddio'r lwfans incwm masnachu yn erbyn hwn) a £400 o gildyrnau (sydd ddim yn gymwys ar gyfer y lwfans incwm masnachu). Oherwydd bod cyfanswm ei incwm sy'n gymwys ar gyfer lwfans incwm masnachu dros £1,000, mae'n rhaid rhoi gwybod amdano ar ei Ffurflen Dreth. Mae Steffan yn rhoi £500 ym mlwch 3.6 (Trosiant) a £500 ym mlwch 3.6A (Lwfans incwm masnachu). Swm y lwfans sy'n weddill = £500 (£1,000 lwfans incwm masnachu llai £500.00 a ddefnyddir yn erbyn incwm hunangyflogedig). Mae gan Steffan £500 o lwfans incwm masnachu i ddefnyddio yn erbyn ei enillion achlysurol o £800. £800 llai £500 = £300 i ychwanegu i'w £400 o gildyrnau = £700. Mae Steffan yn rhoi £700 ym mlwch 7.1.

7.4 Enillion cyfalaf

Dylech roi 'X' ym mlwch 7.4 a llenwi tudalennau SA108 'Crynodeb Treth Enillion Cyfalaf' a rhoi'ch cyfrifiant neu Daflen Waith i ni os:

- gwnaethoch werthu, neu waredu mewn unrhyw ffordd arall, asedion trethadwy gyda gwerth o fwy na £50,000
- oedd eich enillion trethadwy cyn didynnu unrhyw golledion yn fwy na £3,000
- ydych am hawlio colled cyfalaf caniatool neu wneud hawliad neu ddewis enillion cyfalaf

i I gael gwybodaeth, ewch i www.gov.uk/treth-enillion-cyfalaf gael copi o'r tudalennau a nodiadau 'Crynodeb Treth Enillion Cyfalaf', yn cynnwys y daflen waith, ewch i www.gov.uk a chwilio am 'SA108'.

Rhodd Cymorth

Rhodd Cymorth yw'r rhyddhad treth ar gyfer rhoddion ariannol i elusennau a Chlybiau Chwaraeon Amatur Cymunedol. Os gwnaethoch roi cyfranddaliadau neu eiddo i elusen, ac rydych am drin taliadau 2026 i 2027 fel pe baech wedi'u gwneud yn 2025 i 2026, mae'n rhaid i chi lenwi Ffurflen Dreth lawn.

8.1 Taliadau Rhodd Cymorth a wnaed yn y flwyddyn hyd at 5 Ebrill 2026

Dyma gyfanswm y taliadau Rhodd Cymorth a wnaethoch eleni, llai unrhyw symiau y gofynnoch i ni eu trin fel taliadau 2024 i 2025. Peidiwch â chynnwys unrhyw daliadau a wnewch o dan Rhoi Trwy'r Gyflogres.

8.2 Cyfanswm unrhyw daliadau 'untro' a gynhwyswyd ym mlwch 8.1

Er mwyn ein helpu i nodi'r cod treth TWE cywir ar eich cyfer, os oes un gennych, rhowch ym mlwch 8.2 unrhyw daliadau Rhodd Cymorth 'untro' a nodwyd gennych ym mlwch 8.1.

i I gael rhagor o wybodaeth, ewch i www.gov.uk/cyfrannu-i-elusen

Cyfrannu at gynlluniau pensiwn cofrestredig neu gynlluniau pensiwn tramor

Gallwch hawlio rhyddhad treth ar eich cyfraniadau personol i gynllun pensiwn cofrestredig os gwnaethoch eu talu cyn i chi gyrraedd 75 mlwydd oed, a'ch bod:

- wedi bod yn byw yn y DU yn ystod y flwyddyn dreth
- wedi cael enillion trethadwy yn y DU, fel incwm o gyflogaeth neu elw o hunangyflogaeth
- wedi cael enillion o gyflogaeth dramor o dan y Goron sy'n drethadwy yn y DU (neu roedd gan eich priod neu'ch partner sifil enillion o'r fath)
- roeddech yn byw yn y DU pan wnaethoch ymuno â'r cynllun pensiwn, ac ar unrhyw adeg yn ystod y 5 blwyddyn dreth cyn 2025 i 2026

Peidiwch â chynnwys unrhyw symiau ar gyfer:

- cyfraniadau aswiriant tymor personol
- cyfraniadau eich cyflogwr
- cyfraniadau a dynnwyd o'ch cyflog cyn didynnu treth

i I gael rhagor o wybodaeth, ewch i PTM044100 yn y 'Pensions Tax Manual' yn: www.gov.uk/government/collections/hmrc-manuals

Uchafswm y cyfraniadau personol y gallwch hawlio rhyddhad treth arnynt yw naill ai:

- hyd at swm eich enillion trethadwy yn y DU am y flwyddyn dreth
- hyd at £3,600 (hynny yw, £2,880 a dalwyd gennych ynghyd â £720 o ryddhad treth a hawliwyd gan ddarparwr eich pensiwn) a dalwyd i gynllun 'rhyddhad wrth y ffynhonnell' yn unig

Os yw eich cynilion pensiwn yn fwy na'r Lwfans Blyneddol, a bod treth yn ddyledus, rhaid i chi lenwi Ffurflen Dreth lawn a thalu treth.

i I gael rhagor o wybodaeth, ewch i www.gov.uk/treth-ar-eich-pensiwn-preifat neu ewch i www.gov.uk a chwilio am HS345.

9.1 Taliadau i gynlluniau pensiwn cofrestredig sy'n defnyddio cynllun 'rhyddhad wrth y ffynhonnell'

O dan y cynllun 'rhyddhad wrth y ffynhonnell', mae darparwr eich pensiwn yn hawlio rhyddhad treth ar y gyfradd sylfaenol (20%) ar eich cyfraniadau personol ac yn ei ychwanegu at eich cronfa bensiwn.

Rhowch y cyfanswm ym mlwch 9.1 – hynny yw, y cyfraniadau personol a dalwyd gennych i'r cynllun ynghyd â'r rhyddhad treth ar y gyfradd sylfaenol. Dylech gynnwys unrhyw daliadau 'untro' a wnaethoch yn ystod y flwyddyn 2025 i 2026.

Taliadau 'untro' yw taliadau a wnaed yn y flwyddyn hyd at 5 Ebrill 2026 nad ydych yn bwriadu eu hail-wneud yn y flwyddyn hyd at 5 Ebrill 2027.

Defnyddiwch y dystysgrif pensiwn neu'r dderbynneb a gewch gan eich gweinyddwr i lenwi blwch 9.1, neu cyfrifwch y ffigur drwy rannu'r swm a daloch ag 80 a lluosu'r canlyniad â 100.

Enghraifft

Talodd Elin £700 i'w chronfa bensiw. Mae'n nodi £875 ym mlwch 9.1 (£700 wedi ei rannu ag 80 a'i luosi â 100), sef ei thaliad net yn ogystal â'r rhyddhad treth o £175 (£875 ar 20%).

Os ydych yn talu treth ar gyfradd sy'n uwch na 20% dylech barhau i roi'r swm a daloch, ynghyd â'r rhyddhad treth ar y gyfradd sylfaenol (20%), ym mlwch 9.1. Byddwn yn cyfrifo unrhyw ryddhad treth sy'n ddyledus i chi.

9.1A Cyfanswm y taliadau 'untro' a gynhwyswyd ym mlwch 9.1

Er mwyn ein helpu i nodi'r cod treth TWE cywir ar eich cyfer os oes un gennyh, rhowch gyfanswm unrhyw daliadau 'untro' (a gynhwyswyd ym mlwch 9.1) a wnaed gennyh yn y flwyddyn dreth hyd at 5 Ebrill 2026 ym mlwch 9.1A.

Taliadau 'untro' yw taliadau a wnaed yn y flwyddyn hyd at 5 Ebrill 2026 nad ydych yn bwriadu eu hail-wneud yn y flwyddyn hyd at 5 Ebrill 2027.

9.2 Taliadau gros - taliadau a wnaed heb ryddhad treth ar y gyfradd sylfaenol

Os oes rhaid i chi hawlio'r holl ryddhad treth eich hun, rhowch gyfanswm y cyfraniadau personol a wnaed gennyh ym mlwch 9.2.

Gallai hyn gynnwys taliadau i'r canlynol:

- contract blwydd-dal ymddeol nad yw'n defnyddio'r cynllun 'rhyddhad wrth y ffynhonnell'
- cynllun pensiwn cofrestredig eich cyflogwr lle na roddwyd unrhyw ryddhad treth oherwydd amseru'r taliad neu oherwydd iddo gael ei wneud gan berson arall
- cynllun pensiwn tramor lle rydych yn gymwys i gael rhyddhad aelod mudol, rhyddhad cyfatebol trosiannol neu ryddhad o dan Gytundeb Trethiant Dwbl

10.0 Taliad Tanwydd Gaeaf (WFP) a Taliad Gwresogi Gaeaf i Bobl o Oedran Pensiwn (PAWHP)

Os ydych yn byw yng Nghymru, Lloegr neu Ogledd Iwerddon, efallai eich bod wedi cael rhwng £100 a £300 i'ch helpu i dalu eich biliau gwres. Gelwir hyn yn 'Taliad Tanwydd Gaeaf' (WFP). Bydd y mwyafrif o bobl dros oedran Pensiwn y Wladwriaeth wedi cael yr WFP yn awtomatig. I wirio a oeddech yn gymwys i gael y taliad hwn, ewch i www.gov.uk/taliad-tanwydd-gaeaf/cymhwysedd

Os ydych yn byw yn yr Alban, efallai y cawsoch rhwng £101.70 a £305.10 i'ch helpu i dalu eich biliau gwres. Gelwir hyn yn 'Taliad Gwresogi Gaeaf i Bobl o Oedran Pensiwn' (PAWHP). Bydd y mwyafrif o bobl dros oedran Pensiwn y Wladwriaeth wedi cael y PAWHP yn awtomatig. I wirio a oeddech yn gymwys i gael y taliad hwn, ewch i www.mygov.scot/pension-age-winter-heating-payment

Os yw cyfanswm eich incwm dros £35,000, mae'n bosibl y byddwch yn agored i'r tâl WFP neu PAWHP. I gyfrifo a ydych yn agored i'r tâl hwn, ewch i <https://www.tax.service.gov.uk/guidance/check-if-hmrc-will-take-back-your-winter-payment/start/country>

Os cawsoch fudd-dal cymhwysol yn ystod yr wythnos gymhwysol (yr wythnos a ddechreuodd ar drydydd Dydd Llun mis Ionawr) nid oes angen i chi gynnwys y taliad yn eich Ffurflen Dreth. Mae'r budd-daliadau cymhwysol fel a ganlyn:

- Credyd Pensiwn
- Cymhorthdal Incwm
- Lwfans Ceisio Gwaith ar sail incwm
- Lwfans Cyflogaeth a Chymorth yn ymwneud ag incwm
- Credyd Cynhwysol

Os oedd cyfanswm eich incwm dros £35,000, ac nid oeddech yn cael unrhyw fudd-daliadau cymhwysol, rhowch swm yr WFP a gawsoch gan yr Adran Gwaith a Phensiynau, neu swm y PAWHP a gawsoch gan Nawdd Cymdeithasol yr Alban, ar gyfer blwyddyn dreth 2025 i 2026 yn y blwch hwn.

Lwfans Person Dall

Os ydych yn byw yng Nghymru neu Loegr, bydd yr awdurdod lleol yn ychwanegu eich enw at ei gofrestr o bobl â nam ar eu golwg (pobl ddall) pan fyddwch yn dangos tystysgrif gan arbenigwr llygaid iddynt sy'n nodi eich bod yn ddall neu fod gennyh nam difrifol ar eich golwg.

Os ydych yn byw yn yr Alban neu yng Ngogledd Iwerddon a heb eich cynnwys ar gofrestr, gallwch hawlio Lwfans Person Dall os na allwch wneud gwaith lle mae golwg yn hanfodol. Rhowch 'Yr Alban' neu 'G. Iwerddon' ym mlwch 10.2.

Os gwnaethoch ofyn i'ch arbenigwr llygaid roi gwybod i CTheF fod gennyh nam ar eich golwg, rhowch 'arbenigwr' ym mlwch 10.2.

Lwfans Pâr Priod

Gallwch hawlio Lwfans Pâr Priod dim ond os cawsoch chi neu eich priod (neu bartner sifil) eich geni cyn 6 Ebrill 1935. Peidiwch â llenwi'r rhan hon os cawsoch eich geni ar ôl y dyddiad hwn.

Os cawsoch chi neu eich priod neu bartner sifil eich geni cyn 6 Ebrill 1935, byddwch yn cael lwfans sy'n cynnwys 2 swm:

- isafswm sy'n werth hyd at £436, yn ogystal â
- swm ar sail incwm sy'n werth hyd at £691

Bydd hyn ar gyfer naill ai:

- y gŵr os oeddech wedi priodi cyn 5 Rhagfyr 2005
- y person, (y gŵr, y wraig neu'r partner sifil) sydd â'r incwm uchaf, os oeddech wedi priodi neu ffurfio partneriaeth sifil ar neu ar ôl 5 Rhagfyr 2005

Os ydych eisoes wedi hawlio Lwfans Pâr Priod yn ystod y flwyddyn dreth (o 6 Ebrill 2025 i 5 Ebrill 2026) a'ch bod yn ailbriodi neu'n ffurfio partneriaeth sifil, mae'n well fel arfer i chi barhau i hawlio ar gyfer eich cyn-briod neu bartner sifil. Os yw hyn yn berthnasol i chi, rhowch enw eich cyn-briod neu bartner sifil ym mlwch 11.1.

i I gael help gyda'r Lwfans Pâr Priod, ewch i www.gov.uk/lwfans-par-priod

11.1 I hawlio'r lwfans llawn, nodwch enw cyntaf eich priod neu'ch partner sifil

Llenwch y blwch hwn dim ond os mai chi yw naill ai:

- y gŵr, a gwnaethoch briodi cyn 5 Rhagfyr 2005, neu
- y person gyda'r incwm uchaf, a gwnaethoch briodi neu ffurfio partneriaeth sifil ar neu ar ôl 5 Rhagfyr 2005

11.2 Rhowch 'X' yn y blwch os ydych chi, fel pâr, eisoes wedi gofyn i ni roi swm llawn yr isafswm i chi, eich priod neu'ch partner sifil

Rhowch 'X' yn y blwch hwn dim ond os ydych wedi rhoi gwybod i ni eisoes eich bod am drosglwyddo'r lwfans isaf ac wedi llenwi ffurflen 18, 'Transferring the Married Couple's Allowance', cyn dechrau'r flwyddyn dreth.

11.4 Dyddiad y briodas neu ddyddiad ffurfio'r bartneriaeth sifil

Rhowch ddyddiad yn y blwch hwn dim ond os gwnaethoch briodi neu ffurfio partneriaeth sifil rhwng 6 Ebrill 2025 a 5 Ebrill 2026. Os oeddech yn briod neu os gwnaethoch ffurfio partneriaeth sifil rhwng 6 Ebrill 2025 a 5 Ebrill 2026, gallwch hawlio 1/12fed o'r Lwfans Pâr Priod am bob mis o'ch priodas neu'ch partneriaeth sifil.

Os ydych wedi talu gormod o dreth neu os ydych heb dalu digon o dreth

Llenwch fanylion eich cyfrif yn ofalus. Os byddant yn anghywir, bydd oedi cyn y cewch eich ad-daliad. Os ydych wedi talu eich treth gan ddefnyddio cerdyn credyd neu ddebyd, byddwn bob amser yn ceisio ad-dalu'r arian i'ch cerdyn cyn gwneud unrhyw ad-daliad y gofynnwch amdano ym mlychau 12.1 i 12.6. Os oes arnom dreth i chi ond nid ydych yn llenwi blychau 12.1 i 12.6, ni fyddwn yn gallu eich ad-dalu tan i chi gysylltu â ni. I gael rhagor o wybodaeth, ewch i www.gov.uk/hawlio-ad-daliad-treth

Sylwer: Os ydych wedi talu eich taliadau ar gyfer 2026 i 2027 ar gyfrif cyn eu dyddiadau dyledus, peidiwch â llenwi blychau 12.1 i 12.6 oherwydd efallai y byddwn yn eu had-dalu.

12.2 Cod didoli'r gangen

Rhowch y cod didoli yn union fel y mae'n ymddangos ar eich cerdyn, eich cyfriflen neu eich llyfr sieciau.

12.3 Rhif y cyfrif

Bydd rhif eich cyfrif ar eich cyfriflen neu eich llyfr sieciau. Gwnewch yn siŵr bod nifer y digidau'r un peth ag ar eich cyfrif.

Peidiwch â chynnwys seros ychwanegol.

12.4 Cyfeirnod y gymdeithas adeiladu

Efallai y bydd gan eich cyfrif gyfeirnod ychwanegol. Gallai gael ei alw'n rhif rôl, cyfeirnod cyfrif neu'n rhif y cyfrif.

12.5 Enw deiliad y cyfrif

Bydd enw'r cyfrif ar eich cyfriflen neu eich llyfr sieciau. Os mai cyfrif ar y cyd sydd gennych, gwnewch yn siŵr eich bod yn nodi'r ddau enw. Os oes gennych enwebai, gallwch nodi manylion ei gyfrif.

12.7 Treth 2025 i 2026 a ad-dalwyd eisoes

Os ydych wedi cael ad-daliad treth oherwydd eich bod wedi gwneud y canlynol:

- rhoi'r gorau i weithio ac wedi hawlio ad-daliad yn ystod y flwyddyn o'r dreth a dalwyd ar eich
 - cyflogaeth
 - hunangyflogaeth yng Nghynllun y Diwydiant Adeiladu (CIS)
- hawlio'r dreth a dalwyd gennych ar incwm o bensiwn pitw
- anfon Ffurflen Dreth yn ystod y flwyddyn er mwyn hawlio ad-daliad o'r dreth a dalwyd
- cael ad-daliad o'r Ganolfan Byd Gwaith ar ôl 6 Ebrill rhowch y swm a ad-dalwyd ym mlwch 12.7.

Blychau 12.8 a 12.9

Os oes arnoch lai na £3,000 o dreth ar gyfer blwyddyn dreth 2025 i 2026, byddwn yn ceisio ei chasglu drwy eich cyflog neu bensiwn o 6 Ebrill 2027 ymlaen. Rhowch 'X' ym mlwch 12.8 dim ond os nad ydych am i ni wneud hyn. Ni allwn gasglu CYG Dosbarth 2 fel hyn gan y gall effeithio ar eich hawliadau am fudd-daliadau penodol. Y dyddiad cau ar gyfer talu Yswiriant Gwladol Dosbarth 2 yw 31 Ionawr 2027.

i I gael rhagor o wybodaeth, ewch i www.gov.uk/yswiriant-gwladol/yr-hyn-y-mae-yswiriant-gwladol-ar-ei-gyfer

Os yw'n debygol y bydd arnoch dreth ar gyfer blwyddyn dreth 2026 i 2027, byddwn yn ceisio ei chasglu drwy eich cyflog neu bensiwn o 6 Ebrill 2026 ymlaen. Os yw'r incwm yn fwy na £10,000, ni fyddwn yn gwneud hyn fel arfer.

Efallai y bydd arnoch y dreth hon os ydych yn cael:

- incwm o gynilion neu fuddsoddiadau
- incwm o eiddo
- enillion achlysurol neu gomisiwn

Rhowch 'X' ym mlwch 12.9 dim ond os nad ydych am i ni wneud hyn a byddai'n well gennych dalu'r dreth drwy eich Hunanasesiad erbyn 31 Ionawr 2028.

Os bydd eich Ffurflen Dreth bapur yn dod i law erbyn 31 Hydref 2026, byddwn yn cyfrifo a oes gennych unrhyw dreth i'w thalu a rhoi gwybod i chi cyn 31 Ionawr 2027.

Byddwn yn anfon cyfrifiad treth atoch sydd hefyd yn rhoi gwybod a oes rhaid i chi wneud taliadau ar gyfrif ar gyfer blwyddyn dreth 2026 i 2027.

i I gael rhagor o wybodaeth am daliadau ar gyfrif, ewch i www.gov.uk/deall-eich-bil-treth-hunanasesiad

Llofnodi eich ffurflen a'i dychwelyd

Dylech sicrhau eich bod yn llofnodi a dyddio'r ffurflen mewn inc du. Os byddwch yn anghofio, byddwn yn ei dychwelyd atoch a bydd yn cymryd yn hirach i ddelio ag unrhyw ad-daliad.

Peidiwch ag anfon unrhyw dderbynebaw, cyfrifon na gwaith papur arall gyda'ch Ffurflen Dreth, oni bai ein bod yn gofyn amdanynt.

Gallwch lofnodi ar ran rhywun arall:

- os ydych yn ysgutor sy'n delio gydag ystâd person ymadawedig o 6 Ebrill 2025 i'r dyddiad y bu'r person farw
- os ydych wedi eich penodi gan lys yn y DU i lenwi Ffurflen Dreth ar ran rhywun na all, yn feddyliol, ei deall hi
- os oes gennych bŵer atwrnai parhaus neu arhosol i weithredu ar ran rhywun na all, yn gorfforol neu'n feddyliol, lenwi Ffurflen Dreth

Os nad ydych eisoes wedi anfon tystiolaeth o'ch penodiad, anfonwch y ddogfen wreiddiol, neu gopi ardystiedig, gyda'r Ffurflen Dreth hon. Rhaid i gopi ardystiedig fod wedi ei lofnodi a'i ardystio i fod yn gopi cywir a chyflawn, ar bob tudalen, gan naill ai rhoddwr y pŵer, cyfreithiwr neu stocbrocer. Byddwn yn ei anfon yn ôl atoch cyn pen 15 diwrnod gwaith. Os oes gofyn i chi lenwi Ffurflen Dreth blwyddyn nesaf, yna byddwn yn anfon Ffurflen Dreth lawn atoch.

Anfonwch y Ffurflen Dreth wedi ei llenwi i:

Hunanasesiad
Gwasanaeth Cwsmeriaid Cymraeg CTheF
HMRC
BX9 1ST

Rhagor o gymorth os bydd ei angen arnoch

I gael copïau o unrhyw Ffurflenni Treth neu daflenni cymorth, ewch i www.gov.uk/ffurflenni-a-thaflenni-hunanasesiad

Gallwch ffonio Gwasanaeth Cwsmeriaid Cymraeg CTheF ar 0300 200 1900 i gael help gyda'ch Ffurflen Dreth.